



31. marts 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Naqinnernik atuarsinnaangitsut pillugit apeqquqummut qalleqqissaaneq. Naapertuarluartutut isigaara apeqququtit ataasiakkaat tunngavilersuutinni allassallugit taamaattumik apeqququtit akeqqusakka ataani allaqqapput.

(Inatsisartunut ilaasortaq Andreas Uldum, Demokraatit)

Tunngavilersuut

Naqinnernik atuarsinnaangitsut pillugit apeqququtikka Naalakkersuisut akivaat ulloq 28. februar 2010. Akissutigineqartut ataani allaqqasunik allanik apeqququteqarnissannut tunngavissiipput:

Naalakkersuisut allapput:

Ilisimatusarnerit tamarmik takutippaat, atuarnerup ukiuini siullerni atuartut "ilikkagassaq" ilikkarsimassagaat. Tassa imaappoq, atuartut 2. klassimi atuarnerinni atuarsinnaangorsimassasut.

1. Pineqartoq soqutigisarigakku Naalakkersuisut qinnuigerusuppakka ersarissumik oqaatigeqqullugu ilisimatusarneq suna matumani pineqarnerseq.

Naalakkersuisut allapput:

Taava aamma atuarfup ukiup affakkaartumik atuarsinnaassutsimik misissuinerikkut atuartut piginnaasaat misissortassavaat. Novemberip majillu qaammataani atuartut 2. 3. 4. aamma 5. klassimi atuartut atuarsinnaassusaat misissorneqartarpoq inernerillu klassimi atuartitsinerup ingerlaqqinnerani tunngavigineqartarput.

2. Atuarfiit sorliit misissuinerneq taakkunannga ingerlatsisarpaa aamma sorliit ingerlatsineq ajorpat ? Naalakkersuisut qanoq iliorlutik qulakkeertarpaat misissuinerneq inernerit atuarfinni ataasiakkaani atuartitsinerneq atornerqartarneri ?

Naalakkersuisut allapput:



Aap, illoqarfinni nunaqarfinnilu atuarfiit ilinniartitsisinnaanerat assigiinnigilaq. Atuarfinni assigiinnigitsuni ilinniartitsisut ilinniarsimanerat assigiinnigitsuummat aamma ilinniartitsisut ilinniartitseriaasiat assigiinneq ajorpq. Assigiinnigissut tamanna assigiissarneqarsinnaavoq ilinniartitsisut atuarnermut atuartitsisartut ilinniartitsisutut ilinniarsimalerpata.

3. Qanoq iliorlutik Naalakkersuisut qulakkeerniarpaat, ilinniartitsisut atuarnermut ilinniartitsisartut tamarmik ilinniartitsisutut ilinniarsimalernissaat ? Aaqqiissutissat allat suut Naalakkersuisut takorloorpaat ?

Naalakkersuisut allapput:

Isumaqaanngilaq (aallaqqaammut) misissussallugu atuartut naqinnernik takunnissinnaannginersut.

4. Naalakkersuisut qinnuigissavakka itisileqqullugu sooq taamannak isumaqarnerlutik, tassa isumaqaanngitsoq misissussallugu atuartut naqinnernik takunnissinnaannginersut ?

5. Naalakkersuisut qinnuigissavakka nassuiaqqullugu Nuummi ulluni 22. aamma 23. marts atuarnermik allannermillu ajornartorsiutillit pillugit ataatsimeersuartoqarmat suut paasineqarsimanersut. Nassuiaammi Naalakkersuisunut oqaatigeqquneqarpoq maannagaaq suliniutit suut aallartinneqarnissaat takorloorneqarnersoq.

Apeqqutit akeqquneqarput ullut suliffiit naliginnaasut qulit iluanni.